

*Del Colegio de San Jeronimo
Hatham Carlos Philippos*



PIETAS,
&
REGNVVM.

REGIA SIMVL AC PIA
INSTITVTIO
Quas in partes:
Quarum alterâ Orbis Ordo
et Intelligentiâ, alterâ
Regimen, et Politica
describuntur.

*Series rerum gemino
iudice et tabulis*

BRVXELLÆ

In officinâ Ioannis Pepermani Typographi
Cuitatis, sub Biblijs aureis. An. c1713e. xxii.

Per Pmissu

et pri-Prilegio



POTENTISSIMO
REGVM
PHILIPPO QVARTO
MONARCHÆ HISPANIARVM,
INDIARVM, ET NOVI
ORBIS. ETC.



POTENTISSIME REX

PIETATEM & REGNVM, Par anteà haud sociabile creditum, dictis adnecto; Qualia pridem Gentis Tuæ Augustæ Relligiosa Majestas usu conjunxit. Ipse imple, & Avitis Regiminibus hæctenus addis. Ita natus es; Ita inquam à Cælo, tot ad gubernacula Nationum, tot ad fastigia Dominationum emissus. Vtique quæ latè, qui providè, primis iis adolescentiæ spatiis Tantus imperas, Quanta seni speremus? Hæc ergò, anno proximo, cum Arschotano Duce, quem Laudatissimi Principes ALBERTVS & ISABELLA Auspiciis Dignitatis Tuæ delegauerât, ad Te profectus; adeundo, Pia Conloquia; redeundo, Regia, Cõ-

3. 2

pen-

pendia juxtà recensui. Quis utrisque, adnato à Ma-
joribus meis obsequio, & fidè, adorare Geniũ Tuum
iterum veni. DEVS OPTIMVS MAXIMVS, ce-
leberrima Initia ista æternũ firmet, dum Terras
omneis, & quicquid reliquum Orbis, REGNO
simul & PIETATE concludas.

MAIESTATIS TVÆ

Humill. Cliens, Carolus Philippus Hattron,



PIETAS.

FORTVNATVS.



QUAS possum Diis Immortalibus grates habeo, & dein tibi; quòd Otii & Laris usum, & vitæ compendia docueris. Tuum quoque id præmium, fovisse cõsiliis hominem qui eadem al-
rã mente conlecta secum ubicumque meminerit. Qualia enim aut suasu, aut jussu, nuper antea conlocutus es, cœpi exsequi.

NUME-
RVS
PRI-
MVS.

Primum ergò spes meas in SUPERIS & Sapientiã conlocavi. Solatia mentis in eã ipsa: & vacuã à scelere & immorsu conscientia mecum gaudeo. Firmavi in fortuita animum; casuumque impetus, quos questu & luctu alii intendunt, sisto remediis, aut demulceo constantiã. Pretia rerum, præmia hominum, meãsque alienãsque rationes, & quod adest, & quod deest, rectã æstimatione disquiro: hæctenus compos, ut appenso omnium calculo, & à Bonis inania distinguens, propriis utar, & exteris nihil invidẽ.

Tua quoque de tuendã valetudine, de modo Libertatis, de numero & sumptu Opum, de Consortio & Amicitiiis, de studio & censu Famae addita præcepta, ea indui. A crapulã, & inlicitã venere, a nimis & noxiis exercitiis, ab ærumnis & ægritudine, ab irã & curarum pondere mihi caveo: & hilari victu die per honesta exacto sanus decubo; & iterum, facili somno & inturbidis imaginibus lapsã nocte, sanus excitor. Dego liber, & plenissimi juris; haud quia mihi uni plura liceant, at quia meliora lubeant: &

A

quicquid

REGNUM.

FORTVNATVS.



Estinatio hodierni conloquii Regia ORDO est, & hæc Quæstio mea de REGNO. OPERIS Trita via vestigiis alienis, sed & ego per propria requiram. Aulica adulatio quoscumque Principes DEOS facit, liceat mihi Viros facere. Colere & ferre qualiumlibet Dominantium jussa, & meas obsequii partes antè didici: at veluti ex æquò subesse imperiis decet, cur non etiam meliora optasse? Doce ergò consilia REGNI, compendia potentia: Qualis Rex, qualis debeat, qualis ipse (si habenda humeris tuis ea moles) velles institui.

PHILANDER.

Anceps studium, & series inconsulta privatis. De Regibus, quod de DIIS, id dicam, Bonos esse & odisse curiosos. Satis est tibi fidè operà ea exsequi quæ jubentur: cur rimeris arcana jubentium, & initia potestatis?

FORTVNATVS.

De Regnante, quo hoc nemine populis præest, ceu de NUMINE humilis credo; ceu de homine homo sciscitor.

PHILANDER.

Addè tamen temperamenta quæstioni, ego responsis: quia herculè implexæ rationes, & tectas expediat. Alia enim judicia Regum, alia plebis; sed caussas status & momenta rerum diversa metiuntur. Tam nescire quàm scire,